

ხელშეკრულება № 142
(სახელმწიფო შესყიდვების შესახებ)

ქ. თბილისი

18 მაისი 2021 წ.

დაიდო, ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ (ს/კ 404945164) (შემდგომში „შემსყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, შპს „ლა ბელა ჯორჯია“ (ს/კ 425365561) (შემდგომში „მიმწოდებელი“) წარმოდგენილი მისი დირექტორის გიორგი ყაფლანიშვილის სახით, შემდეგზე – შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ მიერ 2021 წლის 14 აპრილს **საწმენდი და საპრიალებელი პროდუქციის (CPV39800000)** შესყიდვის მიზნით გამოცხადებული ელექტრონული ტენდერის №SPA210001065 შედეგების მიხედვით დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ შემოსავლების ფარგლებში **საწმენდი და საპრიალებელი პროდუქციის (CPV39800000)** შესყიდვა.

2. ხელშეკრულების ღირებულება

2.1. ხელშეკრულების საერთო ღირებულება შეადგენს **13 259.00 (ცამეტი ათას ორას ორმოცდაცხრამეტი)** ლარს.

2.2. ერთეულის ღირებულებები განისაზღვრება დანართი N1-ის შესაბამისად.

2.3. ხელშეკრულების ღირებულებაში შედის შესყიდვის ობიექტის მიწოდებასთან დაკავშირებული მიმწოდებლის ყველა ხარჯი მ.შ. ტრანსპორტირების და კანონმდებლობით გათვალისწინებული გადასახადები.

3. ხელშეკრულების შესყიდვის ობიექტი

3.1. ხელშეკრულების (შესყიდვის) ობიექტია: საწმენდი და საპრიალებელი პროდუქცია (CPV39800000); სარეცხი საშუალებები (CPV39831000); ფხვნილები (CPV39831200); ჰაერის გამწმენდი (CPV39811100); ტუალეტის საწმენდები (CPV39831600); ჭურჭლის სარეცხი საშუალებები (CPV39832000).

3.2. დანართი N1 წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, მწარმოებელი ქვეყანა, მწარმოებელი ფირმა, ზომის ერთეული, რაოდენობა, ერთეულის ფასი და საერთო ღირებულება.

4. შესყიდვის ობიექტის ხარისხი

4.1. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.

4.2. მიწოდებული საქონლის ხარისხი უნდა შეესაბამებოდეს შემსყიდველის მიერ მოთხოვნილს. უხარისხო (დაზიანებული) საქონლის მიწოდების შემთხვევაში, მიმწოდებელი ვალდებულია საკუთარი ხარჯებით უზრუნველყოს დაზიანებულის შეცვლა ახლით, შემსყიდველის სატელეფონო და/ან წერილობითი შეტყობინებიდან 2 (ორი) სამუშაო დღეში.

5. შესყიდვის ობიექტის მიწოდების პირობები, ადგილი და ვადები.

5.1. „საქონლის“ მიწოდება განხორციელდება ეტაპობრივად, 2021 წლის 31 დეკემბრის ჩათვლით, შემსყიდველის მოთხოვნის შესაბამისად, ყოველი კონკრეტული მოთხოვნიდან 3 (სამი) დღის ვადაში.

5.2. შესყიდვის ობიექტის მიწოდების ადგილი – ქ. თბილისი, ქავთარაძის ჩიხი №2 (N21^ა), შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“.

5.3. შემსყიდველის მიერ მისაწოდებელი საქონლის არასრულად ათვისების შემთხვევაში მიმწოდებელი კარგავს ათვისებული საქონლის ანაზღაურების მოთხოვნის უფლებას.

5.4. შემსყიდველი უფლებამოსილია, ერთეულის ფასის ცვლილების გარეშე, მოითხოვოს რომელიმე პოზიციით გათვალისწინებული საქონლის განსაზღვრულ რაოდენობაზე მეტის მოწოდება სხვა პოზიციის რაოდენობის შემცირების ხარჯზე.

5.5. მოწოდებული საქონლის მოხმარების ვადა უნდა იყოს მოწოდებიდან მინიმუმ 8 თვე.

6. შესყიდვის ობიექტის მიღება-ჩაბარების წესი

6.1. შემსყიდველის მიერ საქონლის მიღება წარმოებს ეტაპობრივად. საქონლის მიწოდების დასრულების შემდგომ ფორმდება მიღება-ჩაბარების აქტი.

6.2. მიღება-ჩაბარების აქტზე ხელმოწერის უფლებამოსილება შემსყიდველის მხრიდან ენიჭება ცენტრის მატერიალურ ტექნიკური უზრუნველყოფის სამსახურის, სამეურნეო განყოფილების მთავარ სპეციალისტს ბესიკ წიტიანიშვილის, ხოლო მიმწოდებლის მხრიდან მის მიერ უფლებამოსილ პირს.

6.3. შესყიდვის ობიექტის მიღება-ჩაბარებისათვის მიმწოდებელმა უნდა წარმოადგინოს შესაბამისი დოკუმენტი დასახელების, რაოდენობის, ერთეულის ფასის და საერთო ღირებულების მითითებით.

6.4. მიმწოდებელმა უნდა უზრუნველყოს შემსყიდველისათვის 6.3. პუნქტში მითითებული დოკუმენტაციის წარდგენა „საქონლის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.

6.5. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.

6.6. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „საქონლის“ უხარისხობა, იგი წერილობით აცნობებს „მიმწოდებელს“ და მოითხოვს სათანადო კომპენსაციას.

7. ანგარიშსწორების წესი, ფორმა და ვადები

7.1. ანგარიშსწორება განხორციელდება ეტაპობრივად, ფაქტიურად მიწოდებული საქონლის რაოდენობის შესაბამის თანხაზე, მხარეთა შორის მიღება-ჩაბარების აქტის გაფორმებიდან და მიმწოდებლის მიერ წარმოდგენილი დოკუმენტიდან (სასაქოლო ზედნაღები) 10 სამუშაო დღის ვადაში.

7.2. ანგარიშსწორების ფორმა – უნაღდო ანგარიშსწორება.

7.3. ანგარიშსწორება განხორციელდება ლარებში.

8. პირგასამტეხლო

8.1. ხელშეკრულებით ნაკისრი ვალდებულებების შეუსრულებლობისათვის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.

8.2. ხელშეკრულებით განსაზღვრული ვადების გადაცდენის შემთხვევაში მხარეებს ეკისრებათ პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0,02%-ს. მათ შორის 4.2 პუნქტით განსაზღვრული ვადის გადაცდენის შემთხვევაში. 8.3. ხელშეკრულებით აღებული ვალდებულებების სრულად არაჯეროვანი შესრულებისთვის, ასევე მიმწოდებლის ბრალეულობით ხელშეკრულების შეწყვეტის შემთხვევაში, მიმწოდებელი იხდის პირგასამტეხლოს ხელშეკრულების ღირებულების 20%-ის ოდენობით.

8.4 ხელშეკრულებით აღებული ვალდებულებების ნაწილობრივ არაჯეროვანი შესრულების შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების 2%-ის ოდენობით. არაჯეროვან შესრულებაში სხვა გარემოებების გარდა მოიაზრება მიმწოდებლის მიერ შემსყიდველისთვის მიუღებელი ხარისხის საქონლის მიწოდება და/ან 4.2 პუნქტით განსაზღვრული მოთხოვნის დარღვევა. იმ შემთხვევაში თუ ადგილი აქვს მიუღებელი ხარისხის საქონლის მიწოდების და 4.2 პუნქტის დარღვევის განმეორებით შემთხვევებს, შესყიდველი უფლებამოსილია დააჯარიმოს მიმწოდებელი 10% ის ოდენობით.

8.5. 8.4 და/ან 8.5 პუნქტებით გათვალისწინებულ შემთხვევის დადგომისას, ასევე იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

8.6. ჯარიმის გადახდა არ ათავისუფლებს მხარეებს ძირითადი ვალდებულებების შესრულებისგან.

8.7. მხარეები იღებენ ვალდებულებას უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში, ამასთან შემსყიდველი უფლებამოსილია საჯარიმო თანხა ჩამოაჭრას მიმწოდებლისთვის ასანაზღაურებელი თანხიდან.

9. მხარეთა უფლება-მოვალეობები

9.1. „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „მიმწოდებელი“ ვალდებულია:

9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.

9.2.2. დროულად შეასრულოს ხელშეკრულებით ნაკისრი ყველა ვალდებულება.

9.3. „შემსყიდველი“ უფლებამოსილია:

9.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.

9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.3.4. არ მიიღოს უხარისხო საქონელი და არ გადაიხადოს მისი ღირებულება.

9.4. „მიმწოდებელი“ უფლებამოსილია:

9.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დაღვევის გამო.

10. მხარეთა პასუხისმგებლობა ხელშეკრულების პირობების დარღვევისათვის

- 10.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.
- 10.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.
- 10.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.
- 10.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.
- 10.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:
- 10.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;
- 10.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.
- 10.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.
- 10.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:
- 10.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;
- 10.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 10.7.3. „მიმწოდებლის“ გაკოტრების შემთხვევაში.
- 10.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

11. დაუძლეველი ძალის მოქმედება

- 11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.
- 11.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.
- 11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამოძვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ დაუძლეველი გარემოებების ზეგავლენისგან.
- 11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

- 12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.
- 12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

- 13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

16. ხელშეკრულების სხვა პირობები

16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

16.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

16.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხადებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების მოქმედების ვადა

17.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

17.2. ხელშეკრულების მოქმედების ვადა განისაზღვრება: 2022 წლის 31 იანვრის ჩათვლით.

17.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

17.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

17.5. ხელშეკრულების ვადის გასვლა არ ათავისუფლებს მიმწოდებელს მოწოდებული საქონლით განსაზღვრული საქონლის საგარანტიო (ვარგისიანობის) ვადით განსაზღვრული ვალდებულებისაგან.

18. განსაკუთრებული შენიშვნები

18.1. ხელშეკრულება დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.

18.2 ხელშეკრულება ძალაში შედის მიმწოდებლის მხრიდან ხელშეკრულებაზე კვალიფიციური ელექტრონული ხელმოწერით ან/ კვალიფიციური ელექტრონული შტამპით დამოწმების თარიღიდან.

19. მხარეთა რეკვიზიტები

დაწესებულების
დასახელება „შემსყიდველი“
შპს „ფსიქიკური
ჯანმრთელობის და ნარკომანიის
პრევენციის ცენტრი“

დაწესებულების
დასახელება „მომწოდებელი“
შპს ლა ბელა ჯორჯია“

ს/კოდი: რეკვიზიტები:
404945164

ს/კოდი: რეკვიზიტები:
425365561

მომსახურე ბანკი: ს/ს „თი ბი სი ბანკი,,
ბანკის კოდი: TBCBGE22
ანგ/ანგარიში: GE75TB7810436020100002
მის/იურიდიული ქ. თბილისი, ქავთარაძის ჩიხი
№2.
მის/ფაქტიური ქ. თბილისი, ქავთარაძის ჩიხი
№2.
საკ/ინფორმაცია

მომსახურე ბანკი: სს "თი ბი სი ბანკი"
ბანკის კოდი: TBCBGE22
ანგ/ანგარიში: GE95TB7334236080100007
მის/იურიდიული ქ. თბილისი, მექანიზაციის 1
მის/ფაქტიური ქ. თბილისი, მექანიზაციის 1
საკ/ინფორმაცია 558 20 40 60;
labellageorgia2019@gmail.com

გენერალური დირექტორი
ლ. კილაძე

დირექტორი:
გ. ყაფლანიშვილი

დანართი N1 ფასების ცხრილი

№	საქონლის დასახელება	ტექნიკური მახასიათებლები	ზომის ერთეული	რაოდენობა	ერთეულის ფასი	საერთო ფასი	წარმოშობის ქვეყანა	მწარმოებელი ფირმა/ქარხანა
1	ნოჟის და კერამიკული ზედაპირების საწმენდი ფხვნილი	0.5 კგ-იანი, ყოველდღიური გამოყენებისათვის, შეფუთვა: პლასტის ქოლა	ცალი	1700	1.2	2040.00	ირანი	Condor co
2	მათეთრებელი სითხე	1 ლიტრიანი შეფუთვა, ქლორის მაღალი შემცველობით, ქსოვილების გასათეთრებლად და ლაქების მოსაცილებლად, მოსაპირკეთებელი ფილების, უნიტაზებისა და ნაგვის ურნების გასარეცხად და სადეზინფექციო	ცალი	3000	0.7	2100.00		შპს "ლა ბელა"
3	შეტლახის, კაფელის, ნოჟის და უნიტაზის საწმენდი სითხე	ტექნიკური მახასიათებლები: 1 ლიტრიანი, ყოველდღიური გამოყენებისათვის, კერამიკული ზედაპირებისაგან ლაქების მოსაცილებლად: სურნელის შემცველობით.	ცალი	2800	0.75	2100.00	საქართველო	შპს "ლა ბელა"
4	შუშის და სარკის საწმენდი სითხე	0.5 ლიტრიანი, გამოსაფრქვევი მოწყობილობით, ანტისტატიკური ეფექტით, აცოლებს თეთების ნათიურებს, ცხიმს.	ცალი	2500	1.2	3000.00	საქართველო	შპს "ლა ბელა"
5	ჭურჭლის სარეცხი საშუალება	თხევადი (1 ლიტრიანი)	ცალი	1000	1.4	1400.00	საქართველო	შპს "ლა ბელა"
6	პირის გამწმენდი აეროზოლი	300მგ-იანი	ცალი	800	1.7	1360.00	საქართველო	Steel kimya
7	ავეჯის საწმენდი სითხე	1 ლიტრიანი შეფუთვა	ლიტრი	350	1.5	525.00	საქართველო	შპს "ლა ბელა"
8	ჭურჭლის სარეცხი ღრუბელი	შეფუთული ცელოფნის პარკში, ზომა 8.5სმ*6სმ*4სმ	ცალი	600	0.25	150.00	თურქეთი	sykssoftex
9	ჭურჭლის საბეზი სინი	(ბურბუშელა რბილი)	ცალი	350	0.4	140.00	ჩინეთი	lala metal products co, matrix
10	სარეცხი ფხვნილი ხელით რეცხვისთვის	0.3კგ კარხნულად დაფასიებული	ცალი	350	0.8	280.00	ირანი	Condor co
11	სარეცხი ფხვნილი ავტომატი	ფერადი ქსოვილებისთვის, 9კგ შეფუთვა	ცალი	12	12	144.00	თურქეთი	Polar Kimya
12	სარეცხი მანქანის ნადების საწინააღმდეგო საშუალება	ფხვნილის სახით, 0.5 კგ შეფუთვით	კგ	5	4	20.00	თურქეთი	etap kosmetik kimya
სულ:						13259.00	ლარი	

"შემსყიდველი"
გენერალური დირექტორი:

"მიმწოდებელი"
დირექტორი:

ლამა კილაძე

გიორგი ყაფლანაშვილი

ხელწერილი ინტერესთა კონფლიქტის არ არსებობის შესახებ

”სახელმწიფო შესყიდვების შესახებ” საქართველოს კანონის მე-8 მუხლის შესაბამისად, ხელმოწერით ვადასტურებ რომ შპს „ფსიქიკური ჯანმრთელობისა და ნარკომანიის პრევენციის ცენტრის” 2021 წლის შემოსავლების ფარგლებში საწმენდი და საპრიალებელი პროდუქციის (CPV39800000) შესყიდვის მიზნით გამოცხადებულ ელექტრონულ ტენდერში (**SPA210001065**) ჩემი მონაწილეობა არ იწვევს ინტერესთა კონფლიქტს.

შპს „ფსიქიკური ჯანმრთელობისა და ნარკომანიის პრევენციის ცენტრის” მატერიალურ-ტექნიკური უზრუნველყოფის სამსახურის სამეურნეო განყოფილების მთავარი სპეციალისტი:

ბესიკ წიტიშვილი -

18/05/2021 წელი